

ԳՐԱՆՈՍՈՒԹՅՈՒՆ ԵՎ ԲԻՐԼՈՒԴՐԱՔԻԱ

ՍՈՒՐԵՆ ՍՊԱՆԴԱՐՅԱՆ*

Բոլշևիկների պարտիայի ակնավոր գործիչ, պրոֆեսիոնալ ռեյոլուցիոններ, բան-
վոր դասակարգի ազատագրման գործին մինչև վերջը նվիրված անձնվեր մարտիկ Սուրեն
Սպանդարյանի ռեյոլուցիոն գործունեության և հրապարակախոսական ժառանգության գիտա-
կան մեկնաբանման, նրա երկերի հրատարակման ուղղությամբ կատարված է զգալի աշ-
խատանք: 1939—1940 թթ. ՀԿ(Բ)Պ Կենտկոմին կից Պարտիայի պատմության ինստիտուտը
կազմեց և հրատարակեց Սուրեն Սպանդարյանի հոդվածների, նամակների և փաստաթղ-
թերի ժողովածուն՝ մեկ հատորով՝ հայերեն և ռուսերեն լեզուներով: 1949 թվականին
ՀԿ(Բ)Պ Կենտկոմին կից Պարտիայի պատմության ինստիտուտի—ՀամԿ(Բ)Պ Կենտկոմին կից
Մարքսի—Լենինի ինստիտուտի հայկական ֆիլիալի կողմից հրատարակվեց զրա-
կանություն, արվեստի, կուլտուրայի և կրթության մասին Ս. Սպանդարյանի գրած հոդ-
վածների ժողովածուն: 1945 թվականին Երևանում ռուսերեն լեզվով հրատարակվեց ընկ-
վարդան Ավետիսյանի «Սուրեն Սպանդարյան» աշխատությունը, որը ջերմ ընդու-
նելություն գտավ լայն հասարակայնության ու մամուլի կողմից:

Ընկ. Վ. Ավետիսյանի նոր գիրքը Սուրեն Սպանդարյանի մասին, հանդիսանում է
1945 թվականին ռուսերեն լեզվով լույս տեսած աշխատության ուղղված և լրացված հա-
յերեն հրատարակություն:

Սպանդարյանին նվիրված սույն մենագրության առաջին էջերում հեղինակը
պատմում է ապագա մեծ ռեյոլուցիոնների մանկության և պատանեկության տարիների
մասին:

Սպանդարյանի կյանքի այդ տարիները, ինչպես Ռուսաստանում, այնպես և Անդրկով-
կասում արդյունաբերական կապիտալիզմի զարգացման, բանվորական շարժման աճման,
մարքսիզմի լայն տարածման տարիներն էին: Ռուսաստանի պրոլետարիատը ռեյոլուցիոն
պայքարի էր դուրս եկել ցարական ինքնակալության դեմ: Ռուսաստանում ծավալվող
բանվորական շարժումը խոր արձագանք էր դառնում նաև Կովկասում, որտեղ ուժեղ էր
ցարիզմի ազդային-գաղութային ճնշումը:

Ռուսաստանում բանվորական ռեյոլուցիոն շարժման զլուխ էր կանգնած Մարքսի և
Լենինի գործի շարունակողը՝ մեծ Լենինը: Պրոլետարական բոլոր կենտրոններում ստեղծ-
վել էին սոցիալ-դեմոկրատական մարքսիստական կազմակերպություններ: Վ. Ի. Լենինը
կառուցում էր բանվոր դասակարգի մարքսիստական պարտիան, իրականացնում էր սո-
ցիալիզմի միացումը բանվորական շարժման հետ:

«Սոցիալ-դեմոկրատական շարժումը,—գրում էր 1901 թվականին ընկեր Ստալինը,—
չթողեց երկրի չըռնափված և ոչ մի անկյուն: Նրանից չխուսափեց Ռուսաստանի նաև այն
անկյունը, որը մենք Կովկաս ենք անվանում, իսկ Կովկասի հետ միասին նրանից չխու-
սափեց նաև մեր Վրաստանը»:

1898—1900 թվականներին առաջ եկավ և ձևավորվեց Թիֆլիսի սոցիալ-դեմոկրա-
տական կազմակերպության ղեկավար կենտրոնական խումբը՝ ընկեր Ստալինի ղիսա-
վորությամբ:

«Թիֆլիսի կենտրոնական պարտիական խումբը,—գրում է ընկեր Բերիան,—ռեյոլու-
ցիոն սոցիալ-դեմոկրատիայի գաղափարները պրոպագանդելուն զուգընթաց, ղեկավարում
էր Թիֆլիսի պրոլետարիատի գործադուլներն ու քաղաքական պայքարը»:

* Վ. Ավետիսյան—Սուրեն Սպանդարյան, ՀամԿ(Բ)Պ Կենտկոմին կից Մարքսի—
Լենինի—Լենինի ինստիտուտի հայկական ֆիլիալ. Հայպետհրատ, 1951, էջ 290:

1 Ի. Վ. Ստալին, Երկեր, հատ. 1, էջ 3—4:

2 Լ. Պ. Բերիա, «Անդրկովկասի բոլշևիկյան կազմակերպությունների պատմու-
թյան հարցի շուրջը», էջ 23, Հայպետհրատ, 1945:

Ռուսաստանում, Անդրկովկասում և, մասնավորապես, Թիֆլիսում ծավալվող ուղղություն շարժումները խոր ազդեցություն են ունենում Սուրեն Սպանդարյանի վրա և որոշում են նրա հասարակական-քաղաքական գործունեության ուղղությունը: Գիմնազիայի վերջին դասարանում նա արդեն ակտիվ կերպով մասնակցում է սոցիալ-դեմոկրատական աշակերտական խմբակներին, կապվում Թիֆլիսի սոցիալ-դեմոկրատական միջավայրի հետ, ձեռք է բերում և կարդում անլեզալ մարքսիստական գրականություն:

1902 թվականին Սպանդարյանը արդեն ընկեր Ստալինի ղեկավարած Թիֆլիսի սոցիալ-դեմոկրատական լենինյան-խկրայական ուղղության կազմակերպության անդամ էր:

Այդ ժամանակաշրջանին է վերաբերում Սպանդարյանի անձնական ծանոթությունը Վ. Ի. Լենինի ամենամերձավոր զինակցի՝ Ի. Վ. Ստալինի հետ: Այդ ծանոթությունը պատմական խոշոր իրադարձություն էր Սպանդարյանի կյանքում: «Այդ ծանոթությունը,—գրում է ընկ. Ավետիսյանը,—հետագայում, համատեղ աշխատանքում ու պայքարում վերածվեց սերտ բարեկամության և խոր կնիք դրեց Սպանդարյանի ամբողջ ուղղությունը գործունեության վրա: Սպանդարյանը դարձավ ընկեր Ստալինի մարտական զինակիցներից մեկը, մինչև վերջը նվիրված Լենինի—Ստալինի վեհ գործին» (էջ 18—19):

Ավարտելով գիմնազիան, 1902 թվականին Սպանդարյանը մեկնում է Մոսկվա՝ ուսումը շարունակելու: Մոսկվայի համալսարանի պատմա-ֆիլոլոգիական, ապա իրավաբանական ֆակուլտետի ուսանող Սպանդարյանի վրա մեծ ազդեցություն է ունենում Ռուսաստանի բանվորական շարժման խոշորագույն կենտրոններից մեկի՝ սոցիալ-դեմոկրատական լենինյան-խկրայական կազմակերպությունների գործունեությունը: Սպանդարյանն այստեղ ոչ միայն տեսական-մարքսիստական խոշոր պատրաստություն է ձեռք բերում, այլև դառնում է ուղղություն պրակտիկ աշխատանքի լավագույն գործիչ:

Վ. Ավետիսյանը փաստական հարուստ նյութի հիման վրա ցույց է տալիս Ս. Սպանդարյանի եռանդուն գործունեությունը Մոսկվայում՝ պարտիայի երկրորդ համագումարից հետո, երբ նա իրեն հատուկ կրթություն մար պայքարում է մենշևիկների պառակտիչ գործունեության դեմ: Նա շուտով դառնում է Մոսկվայի բոլշևիկյան կազմակերպության աչքի ընկնող անդամներից մեկը, Մոսկվայի կոմիտեի ղեկավարների հետ միասին եռանդուն աշխատանք է ծավալում կենսագործելու համար Լենինի ղերեկտիվները՝ պարտիայի 3-րդ համագումար հրավիրելու, պարտիական մամուլ ստեղծելու, մենշևիկներին բանվոր դասակարգից մեկուսացնելու վերաբերյալ:

Սպանդարյանը դառնում է 1904 թ. աշնանը Մոսկվայում կազմակերպված ուսանողական հովիտ ցույցերի նախաձեռնողներից մեկը և ցուցարարների առաջին շարքում կռվում է ցարական ոստիկանության դեմ:

Պարտիայի հանձնարարությամբ Սպանդարյանը եռանդուն գործունեություն է ծավալում 1905 թվականին: Նա Մոսկվայի ղեկավարների ղեկավարած ապստամբության օրերին զենքը ձեռքին, Կրասնայա Պրեսնյայի բարիկադների վրա կռվում է բանվոր դասակարգի ազատության համար: Ռևոլյուցիայի լավագույն գործիչներից շատերը հերքելի մահով ընկնում են բարիկադների վրա: Ընկնում է նաև Սպանդարյանի մոտ ընկեր բանվոր Տիմոֆեյը: Սիրելի ընկերոջ զիպի առջև Սուրենը երգում է իր սրտում հավերժ պահել ազատության ազնիվ մարտիկի պատկերը և, ի նշան Տիմոֆեյի հիշատակի, ընդունում է նրա անունը: Այդ օրվանից Սպանդարյանը պարտիական շրջանում, որպես պրոֆեսիոնալ ուղղություններ հայտնի է դառնում «Տիմոֆեյ» անունով: Անհասկանալի է, թե ինչու ընկ. Վ. Ավետիսյանը այս հուզիչ դեպքի պատմությունը դուրս է դրել վերամշակված անհագրությունից:

1905 թվականի սկզբներին Սպանդարյանը որպես ուղղություն շարժումների մասնակից, վտարվում է Մոսկվայի համալսարանի իրավաբանական ֆակուլտետի երրորդ կուրսից և հարկադրված թողնում է Մոսկվան ու վերադառնում Թիֆլիս:

Տեսական խոր պատրաստությունը, բոլշևիկյան սկզբունքայնությունը, հետևողական փայլուն տաղանդը, աշխատանքում ցուցաբերած ուղղություն կիրքն ու թափը—այս բոլորը պրոֆեսիոնալ ուղղություններ Սպանդարյանին դարձնում են Անդրկովկասի մասը շատ արդյունավետ զինակցի պարտիական գործիչ: Նա դառնում է ընկեր Ստալինի մերձավոր զինակիցներից մեկը:

¹ В. Аветисян, Сурен Спандарян, стр. 18, Армгиз, 1945.

Թիֆլիսում Սպանդարյանը ամբողջովին նվիրվում է պարտիական աշխատանքին: Ընկեր Ստալինի անմիջական ղեկավարությամբ և հանձնարարությամբ նա եռանդուն աշխատանք է ծավալում բանվորների մեջ, պրոֆմիություններում, գործադուլների շրջանում և այլն: Միաժամանակ, կովկասյան բոլշևիկյան կենտրոնի հանձնարարությամբ, ակնավոր ռեզուլտներ Ստեփան Շահումյանի հետ միասին լայն աշխատանք է ծավալում հայ բանվորների մեջ, նրանց հասցնելով Լենինի—Ստալինի գաղափարները, կազմակերպում է բանվորների ռեզուլտներն պայքարը ցարիզմի դեմ, հայ կալվածատերերի, բուրժուազիայի և նրանց վարձկան նացիոնալիստական պարտիաների դեմ, դաստիարակում է հայ աշխատավորությանը ինտերնացիոնալիզմի ոգով, Ռուսաստանի բոլոր ազգերի աշխատավորների համերաշխության ոգով:

Հայ աշխատավոր մասսաների ռեզուլտներն դաստիարակության դործը հաջողությամբ առաջ տանելու նպատակով, ընկեր Ստալինի առաջադրանքով, Սուրեն Սպանդարյանը և Ստեփան Շահումյանը ձեռնարկում են հայերեն լեզու բոլշևիկյան մամուլի ստեղծման գործին: Նրանց հաջողվում է 1906 թ. մարտին Թիֆլիսում հրատարակել հայերեն «Կայծ» բոլշևիկյան լեզու երկօրյա թերթը:

Ընկ. Վ. Ավետիսյանը մանրամասնությամբ ուսումնասիրելով Սպանդարյանի այդ շրջանում գրած աշխատությունները, ցույց է տալիս բոլշևիկ ժողովուրդի, կրակոտ հրապարակախոսի փայլուն տաղանդը: Բոլշևիկյան պարտիայի իդեոլոգիական, կազմակերպական-տակտիկական և թեորիական դրույթները պաշտպանությանը նվիրված հոդվածներում Սպանդարյանը համարձակ ու անվեհեր մերկացնում էր ցարական ինքնակալական կարգերը, բուրժուական ու նացիոնալիստական պարտիաների կոնտրռեզուլտներն էությունը, մենշևիկների օպորտունիզմն ու դավաճանությունը ռեզուլտների գործին:

«Սուրեն Սպանդարյան» աշխատության բազմաթիվ էջեր նվիրված են Սպանդարյանի անողորմ պայքարին՝ նացիոնալիզմի դեմ, հատկապես ամեն գույնի ու երանդի հայկական նացիոնալիստների դեմ՝ «մշակականների», «դաշնակցականների», «սպեցիֆիկների», «հնչակյանների» և ուրիշների դեմ:

Ընկեր Ստալինն այդ պայքարի կարևորության մասին գրել է. «Կովկասյան սոցիալ-դեմոկրատիան աճել է նացիոնալիզմի դեմ մղած պայքարում: Վրացական սոցիալ-դեմոկրատները պայքարել են «խրենց» նացիոնալիստների, նացիոնալ-դեմոկրատների և ֆեդերալիստների դեմ, հայ սոցիալ-դեմոկրատներն՝ «իլենց» դաշնակցականների դեմ, մուսուլմանները՝ պանիսլամիստների դեմ: Եվ դրանց դեմ մղած պայքարում իր կազմակերպություններն ընդլայնել ու ամրացրել է կովկասյան սոցիալ-դեմոկրատիան»¹:

Սպանդարյանը առանձնապես սուր պայքար է ծավալում «դաշնակցություն» բուրժուա-նացիոնալիստական պարտիայի դեմ, որը հանդիսանում է հայ պրոլետարիատի, հայ աշխատավոր ժողովրդի ոխերիմ և վտանգավոր թշնամին: Սպանդարյանը բոլշևիկյան կրթ-քոտությամբ ու բուռն ատելությամբ հանդես գալով դաշնակցների դեմ, քայլ առ քայլ մերկացնում է նրանց բուրժուական, շովինիստական կոնտրռեզուլտներն, սև հարյուրակային զազրելի էությունը, դաշնակցներին անվանելով «հայ կյանքի ցեղեր», «հայ բանվոր դասակարգի դիտակցությունը բթացնողներ», «հայ գյուղացիությանը ամենաանամոթ կերպով հարստահարողներ ու կեղծողներ»:

«Դաշնակցությունը» գյուտ հանդիսացավ արևմտա-եվրոպական իմպերիալիստական պետությունների համար և դարձավ նրանց հավատարիմ սպասավորը, նրանց իմպերիալիստական քաղաքականության գործակալներից մեկը Մերձավոր Արևելքում, — դիպուկ կերպով նկատում է ընկ. Վ. Ավետիսյանը (էջ 66):

«Պայքարելով դաշնակցների և մյուս նացիոնալիստական պարտիաների դեմ, որոնք կողմնորոշվում էին դեպի Արևմուտքի իմպերիալիստական ուժերը և ջանում էին հայ ժողովրդին անջատել ռեզուլտներն Ռուսաստանից, Սպանդարյանը անդադրում պրոպագանդում էր այն միակ ճշմարիտ իդեան, որ հայ ժողովրդի, ինչպես և Ռուսաստանի բոլոր մյուս ճնշված ժողովուրդների ազատագրական պայքարի շահերը համընկնում են Ռուսաստանյան պրոլետարիատի դեմոկրատական և սոցիալիստական շարժման հետ և այդ շարժման հաղթանակը միայն ռեալ պայմաններ կստեղծի ճնշված ազգերի ազատագրման և ազգային վերածննդի համար: Ուստի ոչ թե պետք է անջատվել Ռուսաստանից, Ռուսական պրոլե-

1 Ի. Վ. Ստալին, Երկեր, հատ. 2-րդ, էջ 336:

տարիատից, այլ ավելի ևս մերձենալ նրան և միացալ ուժերով պայքարել ցարիզմի ու կապիտալիզմի դեմ» (էջ 73—74):

Հեղինակը հետաքրքիր փաստեր է հրապարակում Ս. Սպանդարյանի և Ս. Շահումյանի գործունեության մասին՝ Ալավերդու պղնձահանքերի բանվորների շրջանում և Լոռու գյուղացիության մեջ: Ուշագրավ են այն էջերը, որոնք նվիրված են Ալավերդու հանքագործների 1906 թ. օգոստոսյան գործադուլին: Այդ գործադուլը Անդրկովկասյան բոլշևիկյան կենտրոնի հանձնարարությամբ ղեկավարում էին Ս. Շահումյանը և Ս. Սպանդարյանը:

Իրավացիորեն Վ. Ավետիսյանն իր աշխատության մեջ համեմատաբար ավելի մեծ տեղ է հատկացրել Ս. Սպանդարյանի ուղուցիոն գործունեությանը Բաքվում: 1907 թ. հունվարին նա Կովկասյան բոլշևիկյան կենտրոնի առաջադրանքով փոխադրվում է Բաքու՝ պարտիական անլեզալ աշխատանքի:

«1907—1912 թ թ. ժամանակաշրջանում,— գրում է Լ. Պ. Բերիան,— ընկեր Ստալինի ղեկավարությամբ, մենշևիկների դեմ մղվող պայքարում աճեց, ամրացավ ու կոփվեց Բաքվի բոլշևիկյան պարտիական կազմակերպությունը, իր կողմը նվաճելով սոցիալ-դեմոկրատական բանվորների ճնշող մեծամասնությունը: Բոլոր բանվորական ռայոնները (Բալախանի, Սուրախանի, Ռումանի, Բիրի-էյրաթ, Սև քաղաք, Սպիտակ քաղաք, Երկաթուղի և այլն) բոլշևիկների ձեռքին էին:

Բաքուն դարձավ Անդրկովկասյան բոլշևիկյան կազմակերպությունների պատվարը, լենինյան պարտիայի անխուսափելի ամրոցը»:

Ս. Սպանդարյանը նշանակվում է Բաքվի նավթարդյունաբերական խոշոր ռայոններից մեկի՝ Սև-քաղաքի պարտիական կազմակերպիչ և անդուլ կերպով աշխատում է իր ազդեցիկ ընկեր Ստալինի ցուցումները՝ ջախջախել մենշևիկներին և նվաճել Բաքվի բանվորներին բոլշևիկների կողմը: Այդ պայքարում Սպանդարյանն աճեց և կոփվեց և՛ որպես ուղուցիոն պրակտիկ գործիչ, և՛ որպես պրոպագանդիստ, հրապարակախոս, տեսաբան:

Ռուսաստանում մոլեգնող ռեակցիայի պայմաններում Ս. Սպանդարյանը մեծ հաջողությամբ իրականացնում է Լենինի և Ստալինի ցուցումներն ընդհատակ անցնելու, անլեզալ պարտիական կազմակերպությունը պահպանելու և ամրացնելու, լեզալ հնարավորությունները օգտագործելու, բանվորական մասսայական կազմակերպություններում բոլշևիկյան պրոպագանդա կազմակերպելու՝ մասսաներին ուղուցիոն նոր վերելքի նախապատրաստելու մասին: Նա ամենաակտիվ մասնակցություն է ունենում ընկեր Ստալինի ղեկավարությամբ լույս տեսնող «Бакинский пролетарий», «Бакинский рабочий», «Гу-ДОК» բոլշևիկյան մարտական օրգանների գործունեությանը, նա այդ շրջանում հրապարակում է մի շարք տեսական հոդվածներ՝ պատմական մատերիալիզմի, գրականության, արվեստի, կուլտուրայի հարցերի վերաբերյալ:

Ս. Սպանդարյանի անձնագործ գործունեությունը Բաքվում տևում է մինչև 1909 թ. ապրիլի վերջը, երբ նա ձերբակալվում է: Մեկ ամիս բանտում մնալուց հետո ազատ է արձակվում, բայց օգոստոսի վերջերին նորից է ձերբակալվում և մինչև նույն տարվա վերջը Բաքվի բանտում մնալուց հետո վարչական կարգով աքսորվում է Բաքվից:

1910 թ. հունվարին Ս. Սպանդարյանը անլեզալ կերպով գալիս է Թիֆլիս՝ կատարելու ընկեր Ստալինի հանձնարարությունը՝ վերականգնելու և ամրապնդելու Թիֆլիսի անլեզալ բոլշևիկյան կազմակերպությունը, մերկացնելու և ջախջախելու բանվոր դասակարգի դավաճաններին՝ մենշևիկ լիկվիդատորներին, տրոցկիստներին, որոնք այդ ժամանակ իրենց ձեռքն էին զցել ՌՍԴԲԳ Կովկասյան Մարզային կոմիտեն: Սպանդարյանը կարողանում է վերականգնել կազմակերպությունը և ձևավորել Թիֆլիսի բոլշևիկյան խումբը և Բաքվի բոլշևիկների հետ միասին կատարել պայքար ծավալել լիկվիդատորների դեմ:

Վ. Ի. Լենինի հանձնարարությամբ 1911 թ. հուլիսին Թիֆլիս է գալիս Ս. Օրջոնիկիձեն, որը Ս. Սպանդարյանի և Ս. Շահումյանի հետ միասին սկսում է նախապատրաստական աշխատանքներ կատարել՝ համապարտիական կոնֆերենցիա հրավիրելու համար: Նրանց հաջողվեց Բաքվում հրավիրել Ռուսաստանի խոշորագույն կազմակերպությունների

¹ Լ. Պ. Բերիան, Անդրկովկասի բոլշևիկյան կազմակերպությունների պատմության հարցի շուրջը, էջ 159, Հայպետհրատ, 1945:

ներկայացուցիչների խորհրդակցություն և կազմել համապարտիական կոնֆերենցիայի հրավիրման Ռուսաստանյան կազմակերպական հանձնաժողով (ՌԿՀ): Որպես ՌԿՀ-ի անդամ, Ս. Սպանդարյանին հանձնարարվում է շրջադայել Ռուսաստանի մի շարք բանվորական կենտրոններ՝ նախապատրաստելու և ղեկավարելու համար ղեկգատներին ընտրությունը և ուղարկումը համապարտիական կոնֆերենցիային, որը գումարվելու էր արտասահմանում: Նա լինում է Մոսկվայում, Պետերբուրգում, Ռիգայում և այլն:

Պրագայի կոնֆերենցիայի նախապատրաստման ժամանակ Ս. Սպանդարյանը դառնում է համառուսական մասշտաբի պարտիական ականավոր գործիչ: Նա Բաքվի բոլշևիկների կողմից ընտրվում է Պրագայի կոնֆերենցիայի պատգամավոր: Պրագայում Սպանդարյանը հանդիպում է Վ. Ի. Լենինի հետ: Միջազգային պրոլետարիատի մեծ առաջնորդը բարձր է գնահատում Սպանդարյանի բոլշևիկյան սկզբունքայնությունը և նվիրվածությունը պարտիային, բանվոր դասակարգին: Շատ շուտով Լենինի և Սպանդարյանի միջև ջերմ մտերմական հարաբերություններ են հաստատվում:

Պրագայի կոնֆերենցիան ընտրում է բոլշևիկյան պարտիայի կենտրոնական կոմիտե՝ Լենինի և Ստալինի գլխավորությամբ: Պարտիայի կենտրոնական կոմիտեի անդամ է ընտրվում նաև Ս. Սպանդարյանը: Ռուսաստանում ռևոլյուցիոն աշխատանքը ղեկավարելու համար կոնֆերենցիան ընտրում է պրակտիկ կենտրոն՝ կենտկոմի ռուսական բյուրո՝ ընկեր Ստալինի գլխավորությամբ: Ս. Սպանդարյանը որպես կենտկոմի ռուսական բյուրոյի անդամ, վերադառնում է Ռուսաստան և արդյունաբերական խոշոր կենտրոններում սկսում լայնորեն մասսայականացնել Պրագայի կոնֆերենցիայի որոշումները: Ի. Վ. Ստալինի, նրա հավատարիմ գինակիցներ Օրջոնիկիձեի, Սպանդարյանի և կենտկոմի մյուս անդամների ու Պրագայի կոնֆերենցիայի ղեկգատների գործունեությունը մեծ վերելք ստեղծեց պարտիական աշխատանքի մեջ ամբողջ Ռուսաստանում և Անդրկովկասում:

Այս եռանդուն գործունեության ժամանակ է, որ, ի թիվս շատ պարտիական գործիչների, ձերբակալվում է նաև Սուրեն Սպանդարյանը:

Ընկ. Վ. Ավետիսյանը բարեխղճությամբ ուսումնասիրել է Ս. Սպանդարյանի դրական ժառանգությունը: Աշխատության բազմաթիվ էջերում ցույց է տրված, թե ինչպես Սպանդարյանի հրապարակախոսական բեղմնավոր գործունեությունը կազմում է նրա պարտիական աշխատանքի կարևորագույն մասը: Ռեակցիայի մոլեգնող ցենզուրայի պայմաններում նրան հաջողվում է փայլուն կերպով օգտագործել լեզու մամուլի էջերը և բոլշևիկյան սկզբունքային դիրքերից գաղափարական անհաշտ պայքար մղել ինչպես սև-հաբյուրական, կադետական-միապետական, բուրժուա-նացիոնալիստական, այնպես և մանր-բուրժուական ու օպորտունիստական ամեն դույնի գաղափարախոսության դեմ: Սպանդարյանի հողավածները իրենց ռևոլյուցիոն նպատակասլացությամբ մոբիլիզացնում էին բանվոր դասակարգին և բոլոր աշխատավորներին՝ պայքարելու ցարական ինքնակալության դեմ, օգնում էին մասսաներին նոր ռևոլյուցիոն վերելքի նախապատրաստման գործին:

Ժուռնալիստի փայլուն տաղանդը, բազմակողմանի զարգացումը Սպանդարյանին հնարավորություն էին տալիս արձագանքել ժամանակի հասարակական-քաղաքական բոլոր աչքի ընկնող երևույթներին: Նրա հողավածներում և ակնարկներում իրենց արտահայտություն են գտնում Ռուսաստանի քաղաքական, տնտեսական կյանքի, մամուլի, դրականության, դպրոցի ու ժողովրդական կրթության, թատրոնի և կուլտուր-լուսավորական աշխատանքի հարցերը: Այսպիսի բազմապիսի հարցերին նվիրված հողավածներում նա կոչ էր անում տեղի շտաբ ռևոլյուցիայի ժամանակավոր նահանջի հետևանքով դուրս բարձրացրած ռեակցիայի առաջ, չենթարկվել միստիկայի, պոռնոգրաֆիայի, անկումայնություն, չենթարկվել ռենեգատության, ճահիճը գլորված գաղափարագուրկ ինտելիգենցիայի և ռևոլյուցիայից վախեցած ամեն տեսակ օպորտունիստների ապականիչ քարոզներին, այլ գնալ ժողովրդի մեջ, կապվել աշխատավորության հետ, գործով ու կենդանի խոսքով քաղաքականապես լուսավորել մասսաներին, դաստիարակել նրանց ռևոլյուցիոն խանդավառությամբ, չվախենալ դժվարություններից, չխորշել առօրյա սև աշխատանքից, չխուսափել աշխատավորության հուզող խնդիրներից, ելք որոնել և ուղիներ նշել պրոլետարական պայքարի հաղթանակի համար:

Սպանդարյանը շեշտակի, անողոք հարվածներ էր հասցնում հայկական բուրժուա-նացիոնալիստական ու կղերական մամուլին, մասնավորապես դաշնակցական մամուլին,

որը, վայելելով ցարիզմի ակնհայտնի հովանավորութիւնը, հայ իրականութեան մեջ տարածում էր ամենաոռակցիոն դադափարներ, մոլի շովինիզմ:

Ս. Սպանդարյանն Անդրկովկասի բարդ իրադրութեան պայմաններում փայլուն կերպով կենսագործում է Լենինի ու Ստալինի մարտական ցուցումները՝ նացիոնալիզմի դեմ անողոք պայքար մղելու մասին: Ռեակցիայի տարիներին բուրժուական նացիոնալիզմի դեմ Սպանդարյանի մղած անհաշտ պայքարը մեծապես նպաստեց Անդրկովկասի աշխատավորների ինտերնացիոնալ դաստիարակութեանն ու համախմբմանը, որը ինքնակալութեան և կապիտալիզմի լծից նրանց ազատագրութեան կարևորագույն պայմաններից մեկն էր:

Ռեակցիայի տարիներին՝ ամեն կարգի ու գույնի ռեակցիոններն, ցարական դահլիճների հետ միասին, սև հարյուրակային արշավանք էին սկսել առաջավոր գիտութեան, դրականութեան, արվեստի դեմ, մասնավորապես, ռուսական առաջավոր և ռեուլացիոն-դեմոկրատական դրականութեան դեմ: Նրանք աշխատում էին ոտնատակ անել ռուսական առաջավոր դրականութեան՝ Պուշկինի, Նեկրասովի, Բելինսկու, Գերցենի, Չերնիշևսկու, Դոբրոլյուբովի, Սալտիկով-Շչեդրինի և մյուսների ստեղծած դրականութեան անմահ տրագիգիաները, փականքի տակ դնել Լ. Տոլստոյի, Ա. Չեխովի, պրոլետարական մեծ գրող Մ. Գորկու երկերը, իսկ դրանց փոխարեն արմատավորելով սև հարյուրակային «դրականութիւնը», արտասահմանյան բուրժուական, դեկադենտական հակաժողովրդական նեխոված արվեստը: Եվ այդ ամենը կատարվում էր արվեստի «վերադասակարգայնութեան», «կոսմոպոլիտիզմի», «անպարտիականութեան», «արվեստը արվեստի» համար լողունդներով:

Լենինը և Ստալինը համառ պայքար էին մղում ռուսական առաջավոր գիտութեան, դրականութեան ու արվեստի համար: Նրանք բոլշևիկյան կարող ուժերին մոբիլիզացնում էին ռեակցիային հակահարված տալու համար՝ նաև իդեոլոգիայի այս ճակատում:

Աշխատութեան մեջ հաջող կերպով ցույց է տրված, թե ինչպես Սպանդարյանը մեծ վարպետութեամբ կատարում էր պարտիայի այս պահանջը: Նրա այդ տարիների հրապարակախոսութեան մեջ մեծ տեղ են բռնում դրականութեան, արվեստի, թատրոնի և կրթութեան հարցերը:

Ընկ. Ավետիսյանը մանրամասն վերլուծութեան է ենթարկում դրականութեան ու արվեստի վերաբերյալ Սպանդարյանի հոդվածները և գալիս է հետևյալ եզրակացութեան. «Դրականութեան և թատրոնի հարցերի մասին Ս. Սպանդարյանի հոդվածները արժեքավոր ներդրում են մարքսիստական լենինյան էսթետիկայի դանձարանում» (էջ 176):

1912 թ. մայիս ամսին Սպանդարյանին հինգերորդ անգամ ձերբակալում են: Ցարական կառավարութիւնը պատրաստվում է դաժան հաշիւհարդար տեսնել աննկուն ռեուլացիոնների հետ: Թիֆլիսի Մետեխի մոայլ բանտում երկարատև տանջանքների և խոշտանգումների ենթարկվելուց հետո, 1913 թվականի սեպտեմբերին նա շղթայակապ աքսորվում է Սիրիւ:

Վ. Ավետիսյանի աշխատութեան վերջին գլուխը նվիրված է Ս. Սպանդարյանի կյանքի վերջին տարիներին: Հուզիչ փաստերով նկարագրված են ցարական դահլիճների կողմից գործ դրված ամենաստոր միջոցները, որոնք, սակայն, երբեք չեն ընկճում անվահեր բոլշևիկի աննկուն կամքը, նրա վառ հավատը պրոլետարական ռեուլացիայի հաղթանակի նկատմամբ:

Ձնայած ժանդարմական մշտական հսկողութեանը, Սպանդարյանը բոլոր հնարաղիտութիւնները գործադրում է աքսորում պարտիական աշխատանք ծավալելու համար, շրջում է հարևան գյուղերը, հավաքում աքսորական ընկերներին և նրանց պատմում Պրադայի կոնֆերենցիայի որոշումների, Ռուսաստանում սկսված բանվորական շարժման վերելքի, Վ. Ի. Լենինի և Ի. Վ. Ստալինի գործունեութեան մասին: 1914 թ. մայիսի 1-ին Սպանդարյանն իր մոտ է հավաքում հարևան 17 աքսորական ռեուլացիոններին և տոնում է պրոլետարիատի մեծ տոնը:

1914 թ. դարնանը ցարական կառավարութիւնը արտասահմանից տեղեկութիւն է ստանում, որ Վ. Ի. Լենինը նախապատրաստում է պարտիայի կենտկոմի անդամներ՝ Ստալինի, Սվերդլովի և Սպանդարյանի փախուստը: Սպանդարյանին նորից ձերբակալում են և էտապով աքսորում ավելի հյուսիս՝ բեռնային շրջագծի մոտ Տուրուխանյան երկրամաս, ուր արդեն աքսորված էին Ստալինը և Սվերդլովը: Սպանդարյանի բնակութեան վայրը որոշվում է երկաթուղու գծից հազար հինգ հարյուր կիլոմետր հեռու, դալանարնակ, անծայրածիր տայգաներով շրջապատված, աշխարհից կտրված Մոնաստիրսկոյե գյուղը:

Հասնելով Մոնաստիրսկոյե, Սպանդարյանը նախ և առաջ հետաքրքրվում է իր ղեկավարի, մտերիմ բարեկամի և ընկերոջ՝ Ստալինի վիճակով և իր կնոջը հայտնում. «Սոսոն այստեղ է, ինձանից 175 վերստ հեռու»:

Ընկեր Ստալինը գտնվում էր կուրեյկա խուլ կայանում, որը բեռնային շրջագծից 80 կիլոմետր հյուսիս էր: Այստեղից ընկեր Ստալինը կասկ էր հաստատել Ռուսաստանի բոլշևիկյան կազմակերպությունների և Արտասահմանյան բոլշևիկյան կենտրոնի հետ, Լենինի հետ: Այստեղ ընկեր Ստալինը իր շուրջը համախմբելով կենտկոմի և Ռուսական բյուրոյի՝ Սիրիբ աքսորված անդամներին, ծավալում է սլարտիական, քաղաքական ղեկավար աշխատանքը:

Վ. Ավետիսյանն իր աշխատությունում օգտագործելով հին բոլշևիկուհի Վերա Շվեյցերի այնչափ արժեքավոր հիշողությունները¹, մանրամասն պատմում է ընկեր Ստալինի և Սուրեն Սպանդարյանի մեծ բարեկամության մասին: Չնայած ժանդարմների հսկողությանը և ճանապարհների հեռավորությանը ու դժվարություններ, հաճախ Մոնաստիրսկոյե էր գալիս ընկեր Ստալինը՝ հանդիպելու ընկերներին, խորհրդակցելու նրանց հետ, հրահանգելու նրանց՝ քաղաքական-տակտիկական հարցերում: Ամեն անգամ Մոնաստիրսկոյե գալիս ընկեր Ստալինը իջևանում էր Սպանդարյանի մոտ: Նրանք միասին քննարկում էին պարտիական կյանքի և Ռուսաստանի իրադարձությունների բոլոր հարցերը:

Վ. Ավետիսյանին հաջողվել է ցույց տալ Սպանդարյանի բազմակողմանի կերպարը: Նա ոչ միայն աննկուն բոլշևիկ է, անձնվեր ռևոլյուցիոներ, այլև ընտանիքի գուրգուրող հայր, ջերմ բարեկամ: Նա զրուցում է ամենաջերմ նամակներ իր կնոջը, երեխաներին, հեռու Հյուսիսում հոգում է նրանց մասին, խորհուրդներ է տալիս, ղեկավարում է երեխաների ուսման և դաստիարակության գործը: Բեռնային խավարը չի խանգարում նրան՝ ձմռանը սահնակով մեկնել դեպի հյուսիս ընկեր Ստալինի հետ հանդիպելու: Նրանք միասին, ջերմ սիրով և մեծ երախտագիտությամբ լցված նամակ են գրում Վ. Լ. Լենինին:

Տուրուխանյան աքսորում Սպանդարյանը շատ մեծ գրկանքներ է կրում, աքսորի դժնդակ պայմանները բոլորովին քայրայտում են նրա առողջությունը և նա ծանր հիվանդանում է: Սպանդարյանի հիվանդությունը խիստ անհանգստացնում է ընկեր Ստալինին: Նա 1916 թ. մարտին նորից է գալիս Մոնաստիրսկոյե և աշխատում, ինչ գնով էլ լինի, Սպանդարյանին տեղափոխել քաղաք՝ բժշկական օգնություն հասցնելու նպատակով:

Ցարական գահիճները երկար ժամանակ ձգձգում են Սպանդարյանին բժշկական օգնության համար քաղաք տեղափոխելու հարցի լուծումը, թողնելով որ նրա հիվանդությունը ավելի սաստկանա, որպեսզի նա հոգեպես ընկճվի, կորցնի արիությունը, բայց իզուր են անցնում ցարական սատրապների ջանքերը: Սպանդարյանը չի կորցնում իր ոգու արիությունը, ապրում է վերահաս ռևոլյուցիայի կյանքով: Գամված անկողնին, 1916 թ. մայիսի 28-ին նամակ է գրում Լենինին և կրուպսկայային. «Թանկագին ընկերներ, Ձեզ ամենարոցավառ ողջույն ենք հղում մեր սառն երկրներից: Մենք ոգով արի ենք և նույնն ենք ցանկանում Ձեզ»:

Սպանդարյանի կյանքի վերջին օրերի մասին հետևյալն է հիշում Վ. Լ. Շվեյցերը, որին ժամանակավորապես թույլատրված էր ուղեկցել Սպանդարյանին՝ Կրասնոյարսկ:

«Սուրենը մահանում էր... հարկ եղավ նրան փոխադրել Կրասնոյարսկ՝ հիվանդանոց: Բայց մահանալիս էլ նա մտածում էր միշտ այն մասին, ինչին տվել էր իր սքանչելի կյանքն առանց մնացորդի: Նա խնդրում էր ինձ գրել Ստալինին, որ ռևոլյուցիան Ռուսաստանում արդեն հասունացել է, որ ցարական բանակը արդեն քայրայվել է, որ «ռևոլյուցիան կանգնած է 17 թվի շեմքին...»: Այդ միտքը ազատ չէր թողնում նրան... Հոգեվարքի ժամին զառացանքի մեջ նա կրկնում էր—«կանգնեցեք Լենինի դրոշի տակ» (էջ 255):

1916 թ. սեպտեմբերի 11 (24-ի) առավոտյան ժամը 6-ին դադարեց բարախելուց բոցաշունչ բոլշևիկի՝ Սուրեն Սպանդարյանի—Տիմոֆեյի սիրտը:

Սուրեն Սպանդարյանի մահը մեծ կորուստ էր պարտիայի և բանվոր դասակարգի համար: Վ. Ի. Լենինը ստանալով նրա մահվան լուրը, պարտիայի կենտրոնական օրգան «Социал-Демократ»-ում գետեղեց հատուկ ներկրոլոգ նրա հիշատակին: Սպանդարյանի մահը ծանր վիշտ պատճառեց ընկեր Ստալինին, որը մինչև վերջին րոպեն հետաքրքրվում էր իր ընկերոջ և զինակցի առողջությամբ ու կյանքով: Սպանդարյանի մահվան լուրն առնելով

¹ Վ. Շվեյցեր, Ստալինը Տուրուխանի աքսորավայրում, Երևան, 1941:

քննելու Ստալինը մի հուզիչ նամակ է գրում Վ. Շվեյցերին, որտեղ ասված էր. «Սուբբենին մենք չենք մոռանա—մի քիչ հետաքննիր, աշխատեցրե՛ր ուղիղ գիտության համար այնպես, ինչպես աշխատել էր Սուբբենը»¹:

Վ. Ավետիսյանի այս ուշադրավ աշխատությունը կարդացվում է լարված հետաքրքրությամբ: Հեղինակը կարողացել է մարքսիստ պատմաբանին հատուկ ճշմարտացիությամբ վերականգնանացնել Սուբբեն Սպանդարյանի՝ լենինյան-ստալինյան հին դավադրության լավագույն ներկայացուցիչներից մեկի անմահ կերպարը, որի համար պարտիայի և ուղիղ գիտության շահը բարձր էր ամեն բանից: Սուբբեն Սպանդարյանի խիզախությունը, անվեհերությունը և դրանց հետ միասին թեորիական խոր ու բազմակողմանի պատրաստությունը, հրապարակախոսի սուր լեզուն և գրիչը ահ ու սարսափ էին ազդում ցարական ադմինիստրացիային, կապիտալիստներին, բուրժուական նացիոնալիստներին ու մենշևիկներին: Նրա համար կար միայն մեկ սկզբունք՝ լենինյան-ստալինյան սկզբունքը՝ ամեն ինչ ենթարկել պրոլետարիատի ազատագրման, սոցիալիզմի հաղթանակի գերագույն շահին:

Ահա ինչու, Սուբբեն Սպանդարյանի կյանքն ու ուղիղ գիտության գործունեությունը այսօր կոմունիզմ կառուցող աշխատավորության համար մեծ ու ոգեշնչող օրինակ է:

Վ. Ավետիսյանը գրքի վերջում կցել է մի հավելված, որը պարունակում է Սուբբեն Սպանդարյանի կյանքի ու գործունեության գլխավոր տարեթվերը:

Հայպետհրատը շնորհակալ գործ է կատարել, հրատարակելով Վ. Ավետիսյանի «Սուբբեն Սպանդարյան» արժեքավոր և ուշադրավ աշխատությունը:

Վ. ՔԱԼԱՇՅԱՆ

¹ Վ. Շվեյցեր, Ստալինը Ցուրուխի աթոռավայրում, էջ 40: